

28538

樂大典

卷 〇〇九三	卷 〇〇九二	卷 〇〇九一	卷 〇〇九〇	卷 〇〇八九	卷 〇〇八八
師 字	師 字	師 字	師 字	師 字	師 字

商

三卷

九二卷

主 婦 總 校 官 特 解 日 商 撰

學 士 良 翟 景 傳

分 校 官 修 撰 日 徐 時 白

書 寫 儒 士 良 王 九 昌

閱 點 監 生 日 陳 惟 傳

日 林 洪 松

永樂大典卷之九百二十二

二支

師

童子師

唐韓昌黎集師說童子之師授之書而習其句讀者也非吾所謂傳其道解其惑者也愛日齋叢鈔眉山劉微之巨

教授郡城之西壽昌院從游至百人蘇明允命東坡兄弟師之時尚幼微之賦驚鵲詩末云漁人忽驚起雪片逐風斜坡從旁曰先生詩佳矣竊疑斷章無歸宿易若雪片落簾旖乎微之曰吾非若師也坡兄弟應制科微之贈詩有曰驚人事業傳三館動地文章震九州老夫欲別無它祝只願雙封萬戶侯自是三蘇名著天下而微之竟不第郡三公以遺逸舉不服鄉人但呼為孝廉其卒也范蜀公吊以詩曰案前曾立二賢良今穎濱集中送家安國詩城西杜下老劉君春服舞雩今幾人自注微之先生門人惟僕與子瞻兄復禮與退翁兄皆仕耳正謂此東坡云吾八歲入小學以道士張易簡為師童子幾百人師獨稱吾與陳太初予歎劉孝廉張道士為童子師有二蘇者出焉雖若沒世隱約氏名訖不泯坡晚在海南作衆

妙堂記謂夢見張道士如平昔而直云眉山道士張易簡教小學常百人予幼時亦與焉以其師也則名之似過或欲傳其人故名宋史韓伋胄傳伋胄以勢利盡士大夫之心薛叔似卒棄疾陳謙皆起廢顯用當時固有困於久斥損晚節以規榮進者矣若陳自強則以伋胄童子師自選人不數年致位宰相群小阿附勢焰薰灼陳自強者福州閩縣人字勉之自以嘗為韓伋胄童子師欲見之無以自通適僦居主人出入伋胄家為言於伋胄一日召自強比至則從官畢集伋胄設樽于堂鄉自強再拜次召從官同坐伋胄徐曰陳先生老儒汨沒可念明日從官甘薦其才置

五經師

東漢書明帝紀永平九年夏四月為四姓小侯開立學校置五經師宋宏漢記曰永平中崇尚儒學自皇太子諸王

侯及功臣子弟莫不受經又為外戚樊氏郭氏陰氏馬氏諸子弟立學校四姓小侯五經師

一字師

陳纂孫光祿李建州

頰與方處士干為吟友頰有題四皓廟詩自言奇絕云東西南北人高跡此相親天下已歸漢山中猶避秦龍樓曾作客鶴鷺不為臣獨有千年後青青廟木春示於干笑而言善則善矣然內有二字未據作字太麤而難換為字甚不當干聞率土之濱莫非王臣請改作稱字頰降伏而且慙悔

前言之夫乃曰聖人以一字褒貶此其明矣遂拜為一字之師是以羅夕
拜題于卷後云中間李建州夏汭偶同遊顧我論佳句推君寂上游九霄
無鶴馭雙鬢老漁舟世難方如此何當浣旅愁唐摭言李相讀春秋誤以
叔孫婁勅畧呼為勅畧有小吏曰某緣師受誤呼文字今聞相公呼婁為
揣方悟之耳公曰不然因檢釋文果勅畧反公大慚號小吏為一字師戴
直鼠璞南堂野史載張迥寄遠詩蟬鬢凋將盡虬髯白也無齊已改為虬
髯黑在無迥拜為一字師陶岳五代史補齊已揚詩詣鄭谷詠早梅云前
村深雪裏昨夜數枝開谷曰數枝非早也未若一枝齊已拜谷為一字師
一謂張迥禮齊已一謂齊已禮鄭谷豈一事訛為兩人將齊已以其師人
者還為人師耶然改白也為黑在則是兩字師也建康志禮部尚書張詠
知昇州召溧陽宰蕭楚材食楚材見几案有一絕云獨恨太平無一事准
南開殺老尚書蕭改恨作幸字公出視案曰誰改吾詩左右以實對蕭曰
與公全身公功高望重姦人側目之秋且天下一統公獨恨太平何也公
曰蕭第一字之師也隨陸漫錄雲山蒼蒼江水泱泱先生之德山高水長
李太白易德為風日斜奏罷長楊賦半山易為秦賦長楊罷白玉堂中曾
草詔水晶宮裏近題詩韓子蒼易為堂深宮冷晁無咎試交趾進象表云

備法駕之前陳。周益公易陳為驅。古詞云。春歸也只消戴一朵茶蘼。宇文
元質易戴為更。皆一字師也。鶴林玉露揚誠齋在館中。與同舍談及晉于
寶。一吏進曰。乃千寶。非于也。問何以知之。吏取韻書以呈。千字下注云。晉
有千寶。誠齋大喜。曰。汝乃一字之師。密爾筆記祭丞相魯公文。讀書破萬
卷。而欲然猶欲求一字之師。

一世師

太平御覽李元冲。一世之師也。見其貌者。肅如也。觀其行者。穆如也。宋王安石臨川。

集祭范穎州文。嗚呼。我公一世之師。由初迄終。名節無疵。

百世師

孟子聖人百世之師也。伯夷柳下惠是也。故間伯夷之風。

者。頑夫廉。懦夫有立志。聞柳下惠之風者。薄夫敦。鄙夫寬。奮乎百世之上。百世之下聞者。莫不興起也。非聖人而能若是乎。而況於親炙之者乎。

公孫丑篇集註。程子曰。子路入告之以有過則喜。亦可謂百世之師矣。東漢書法真傳友人郭正稱之曰。法貞名可得聞。身難得而見。逃名而名我。隨避名而名我。追可謂百世之師者矣。乃刊石頌之。號曰玄德先生。宋蘇東坡集韓文公廟碑。匹夫而為百世師。一言而為天下法。趙善瑤自警編。書濂溪書堂。上繼去聖。下開來哲。昭然如日月之明。亦足以見百世之師。楊誠齋集賀張丞相再相啓。巍然三代之佐。俟也百世之師。元程雪樓集。

陳先生墓碑。嗚呼。公之制行如此。豈惟當世之師。百世之師也。謝上蔡語錄。子路百世之師。揀難割捨底。要不做便不做。孟子將來與舜禹作一處。

舉萬世師

宋蔡密禮北海集。宋祭舜帝廟文。維帝以聖紹堯。以功傳禹。道德之盛。萬世所師。元史加封孔子碑所謂祖述。

堯舜憲章文武儀範。百王師表萬世者也。

千里師

宋孫觀鴻慶居士集。四通判啓。循良千里之師。磊落萬人之傑。伐柯取則。

幸同聲氣之求。傾蓋相從。盡索形骸之外。

孔子師

史記甘羅荅器不韋。項橐七歲為孔子師。孔子謂南宮敬叔曰。吾聞老聃傳古知今。通禮樂之原。明道德之歸。則吾師也。今將往矣。呂原明雜記。老子曰。古之善為道者。非以明民。將愚之。書稱堯之德曰。平章百姓。

百姓昭明。記曰。明明德於天下。老子曰。報怨以德。孔子曰。以直報怨。以德報德。老子曰。知不知上。不知知病。孔子曰。知之為知之。不知為不知。蓋孔子未嘗師老子也。淮南鴻烈解。脩務訓。項託七歲為孔子師。孔子有以聽其言也。以年之少為閭丈人說。救鼓不給。何道之能明也。註。閭里鼓。又。

人長老。年少為之說事。老人鼓其頭。自較不暇。何能明道也。

孟子師

趙岐孟子序。孟子長師孔子之孫子思。韓昌黎文集。

送王頃秀才序 孟軻師子思子思之學蓋出於曾子

穆公師

孔叢子子思居魯穆公師而尊之

文侯

師

史記仲尼弟子傳子夏為魏文侯師

范蠡師

太史公素王妙論計然者蔡立濮上人其先晉國公子也姓辛氏字

文富南游越范蠡師事之

列子師

列子列子既師壺丘子林友伯昏瞽人交居南郭從之處者數百

遺三

師

金錫私道小才集教能顯黃魯直書其父母安康大君行狀墨跡後曰以爲子者尚其孝以業文者尚其辭以學書者尚其法傳之子孫為三師

更三師

元史許衡幼有異質七歲入學授章句問其師曰讀書何為師曰取科第耳曰如斯而已乎師大奇之每授書又能

問其旨義父之師謂其父母曰兒穎悟不凡他日必有大過人者吾非其師也遂辭去父母強之不能止如是者凡更三師稍長嗜學如渴後果大

顯於世

置四師

東漢書王莽為太子置師友四人以故大司徒馬宮為師疑故少府宗伯鳳為傅丞博士哀聖為阿輔京

兆尹王嘉為保拂是為四師

置博聞師

史記趙世家武靈王少未能聽政置博聞師三人

建學

立師

小學惟聖斯惻建學立師宋史范純祐傳純祐父仲淹守蘇州首建郡學聘胡瑗為師瑗立學規良密諸生隨之不敢犯自是

蘇學為諸郡倡元史實默傳默又言三代所以風俗淳厚曆數長久者皆

建學立師所致今宜建學立師博選貴族子弟教之以示風俗之本帝嘉

納之講學必立師劉夫適言或曰近世何師道之不立

之講學必立師那曰古者師道德漢魏以來師經學

隋唐而降所師者場屋之文而已宜乎師道之不立也

講學必立師尊師尊其道也不尊其道非賢師何如焉立有若為

師史記孔子既沒弟子思慕有若狀似孔子弟子相與立為師師之如

夫子時吳箕常談夫子殘群弟子以有若似孔子相與共立為師他

日有問而不能答卒之避席退之曰弟子不必不如師師

不必賢於弟子豈有為而言歟不然則非所以為訓也舍蓋公

為師舍蓋公而師之齊果大治求宿士為師職官分

寄善屬文性冲靜少為行造次必於仁厚陳文帝謂到仲舉曰衡陽王出

閣須得一人旦夕游處無掌書記宜求宿士有行業者仲舉未知所對帝

閣須得一人旦夕游處無掌書記宜求宿士有行業者仲舉未知所對帝

閣須得一人旦夕游處無掌書記宜求宿士有行業者仲舉未知所對帝

曰吾自得之矣乃以手教用寄入謝帝曰所以拜韋母為師

暫居卿游藩非止以文翰相煩乃舍以師表相事

裴景仁前秦記符堅幸太學問博士經典博士盧壹對曰周官禮注未有

其師韋逞母宋傳其父業得周官音義自非此母無可授後堅於是就宋

立講室書堂生徒百二十二人隔絳紗幔

而授業焉拜宋爵號宣文君賜侍婢十人

拜學官為師

李栖筠字正一為浙西觀察使增學廬表宿儒超拜學

官為之師身執經問義遠近趨慕至徒數百人

以刺史為師

唐韓昌黎集柳子厚墓誌銘唐柳子厚為柳

州刺史衡湘以南為進士者皆以子厚為師

以聖賢為師

宋史徐國傳國嘗曰人當以聖賢為師一節之士不足學也名臣言行錄

蔡沉年僅三十即屏去舉子業一以聖賢為師平居仰觀俯察默坐終晷

瞭然有見於天地之心萬物之情及求

諸躬眾理具備信前聖之言不于欺也

以心為師

關尹子善弓者師弓不師

拜善舟者師舟不師舟善心者師心不師聖

魏書徐遵明傳遵明曰吾今始知真師所在猛略曰何在遵明乃指心曰正在於此元程雪樓集慧敏

公神道碑上問汝何所習對曰臣以心為師。里仁子父母篇或問師曰。或師人或師古師心則為下矣。堯師若疇。舜師務成。昭禹師西王國。湯師成子伯文。王師駁時子思。武王師號叔太公。孔子師老聃。鄭子師襄。長弘是師人也。讀論語而師孔子。讀孟子而師孟子。讀大學中庸而師曾子子思。是師古也。若夫獨學而無友。孤陋而寡聞。是師心也。**以苦為師**。晏子內雜篇。景公割地將

而不驕者。未嘗聞之。貧而不恨者。嬰是也。所以貧而不恨者。以苦為師也。今封易嬰之師。師已輕。封已重矣。**萬物為師**。

太平御覽符子曰。玄冥子謂由有子曰。子有師乎。由有子曰。吾將以萬物為師矣。

主善為師。書咸有一德。德無常。

師。主善為師。善無常。主協于克一。朱子語畧。德無常師。主善為師。善無常

主。協于克一。上兩句是教之以其所從師。下兩句是教之以其所擇善而

為之師。這四句極好看。南軒云。目人心惟危。道心惟微。數語外。惟此四句。

但舜大聖人之言。語澤渾渾。伊尹之言。較露鋒銳。得堂這說得也好。

終善為師。晏子春秋內篇。景公問晏子曰。人性有賢不肖。可學乎。晏子對曰。詩云。高山仰止。景行行止。止者。其人也。

故諸侯並立善而不怠者為義列士並學終善者為師

道德為師

文選揚雄羽獵賦歷五帝之廖廓涉三皇之登

閔建道德以為師友仁義以為朋

抗顏為師

儒學警悟韓退之抗顏為人師嘗曰提籍筆雖屢指教未知其果不

教去否湜之論業曰韓吏部之文如長江秋漲千里一道衝颶激浪紆流不滯然而施於灌溉或與於用推此言也是殆未純北面也又翔之祭愈

曰我將自徐始得兄交視我無能待予以友是嘗肯就弟子之列

坎壈為師

黃庭堅豫章集宋喬年真師贊士之

坎壈以其智多因坎壈以為師用智多以見已

教授為人師

王充論衡通書千篇以上萬卷以下教暢壅閑

審定文義而以教授為人師者通人也

可為人師

東漢書荀爽傳爽字慈明幼而好學年十二能通春秋論語太

尉杜喬見而稱之曰可為人師

文為人師

南史梁徐勉字脩仁年六歲屬霖雨家人祈霽率爾為文見稱

者宿宗人孝嗣嘗謂諸子曰此人師也爾等則而行之

經為人師

唐杜工部詩薦伏湛題經為人師行為人表宋

歐陽公集孫明復墓誌銘翰林學士趙堅等十餘人上言孫某行為世法經為人師不宜棄之遠方乃復為國子直講

儉為

人師

宋齊丘子化書儉化篇乳童拱手誰敢戲之豈在乎黼黻也牧豎折腰誰敢背之豈在乎刑政也有賓主之敬則雞黍可以

為大享豈在乎簫韶也有桑淑之態則荆芋可以行婦道豈在乎組繡也而王者之制設溝隍以禦之陳檠戟以衛之蓄粟帛以養之張欄檻以遠之蓋有機於民不得不藏有私於己不得不防夫能張儉之機民自不欺用儉之私我自不疑夫儉者可以為大人之師

學為

明師

韓非子然則為匹夫計者莫如脩行義而習文學行義脩則見信見信則受事文學習則為明師為明師則顯榮此匹夫之美

才為文師

宋蘇頌濱集賀歐陽副樞密啓位在樞府才為文師兼古人之所未全盡天力之所難致文人

之美夫復何如

心為嚴師

宋史列傳黃裳進言於嘉王曰為學之道當體之以心王宜以心為嚴師於心有一毫不

安者不可為也且引前代危亡之事以為儆戒王謂人曰黃翔善之言人所難堪惟我能受之

正己為嚴師

許魯齋語錄正心之始當以正己為嚴師。凡所動作。則知所懼如此。一二年間。守得牢固。則自然心正矣。訓人如嚴

師。後周書蘇綽為文帝行臺尚書常言。善惡皆我師。子曰。為國之道。愛人如慈父。訓人如嚴師。

三人行必有我師焉。擇其善者而從之。其不善者而改之。註。二人同行。其

一我也。彼二人者。一善一惡。則我從其善而改其惡。則是二人者皆我之

師也。尹氏曰。見賢思齊焉。見不賢而內自省。則善惡皆我之師。達善其有

窮乎。左傳襄六年。鄭人游於鄉校。鄉人之學校。以論執政。論政得夫。然明

謂子產政鄉校如何。惠人於中。誘議國政。子產曰。其所善者。吾則行之。其所惡者。吾則改之。是吾師也。若何毀之。文王我

師。孟子公明儀曰。文王我師也。周公豈欺我哉。今也小國師大國而耻受命焉。是猶弟子而耻受命於先師也。如耻之。莫若師文王。

天賜我師。新唐書則天傳。高宗頭眩不能視。侍醫張文仲。秦鳴鶴曰。風上逆。破血頭可愈。后內幸帝。殆得自專。怒曰。

是可斬。帝體寧刺血處耶。醫頓首請命。帝曰。吾眩不可堪。聽為之。醫疏一再刺。帝曰。吾目明矣。后。廉中再拜謝曰。天賜我師。身負綰寶以賜。疏

廣吾師

晉書羊祐傳祐與弟琇書曰既定違事當角巾東路歸故里為容棺之墟以曰士而居重位何能不以盛滿受責乎

疏廣是吾師也詳本傳

叔度吾師

續後漢書高士傳黃憲字叔度世貧賤父為牛醫潁川荀淑至慎陽遇憲於逆

旅時年十四淑疎然異之揖與語移日不能去謂憲曰子吾之師表也既而前至素聞所未及勞問逆曰子國有顏子寧識之乎聞曰見吾叔度雅

陳蕃周舉嘗相謂曰時月之間不見黃生則鄙吝之萌復存乎心

杜陵吾師

宋吳炯總志黃儀字濟川山谷老人

猶子也年十九歲會山谷自涪歸寓荊州教以詩律濟川曰為學當師古吾叔源流實自杜陵即吾師也余時尚幼方參老人侍立在傍會有乞草

堂詩者山谷即試之濟川援筆立成曰徑入小庭迂登登豈按圖主人緣雅趣有客愛規模與鄰翁理船從推子呼何當迎接汝有夢隔江湖山

谷大奇之即別以所用研并手校注釋杜詩以遺之且銘研曰其重也可以壓嶮者之累卵其堅也可以當謗者之鑠金其圓也可以消非意之橫

逆其方也可以行立心之直方夫如是則研為子師亦為子友善友在前良規在後後三年余與濟川別乃舉以相贈蓋傳衣也嗚呼濟川肉爛久

矣而二物悉罹於兵火。念之令人鼻酸。

步兵吾師

北齊書齊李元忠為侍中。雖處要任。不以物務于懷。每言寧無

食。不可使我無酒。阮步兵吾師也。孔少府宣如我哉。

痛飲真吾師

唐杜工部集戲贈鄭廣文度得錢即相覓

沽酒不復疑。忘形對

爾汝。痛飲真吾師。

足為汝師

南史梁劉琨傳。相東王繹為會稽太守。以琨為輕車長史。行府

郡事。武帝敕繹曰。到溉非

衛交願師

韓詩外傳衛公子交見於子思曰。先生聖人之後。執

直為汝行事。足為汝師。

清高之操。天下之君子莫不服先生之大名也。交雖不敏。竊慕下風。願師

先生之行。幸顧卹之。子思曰。公子不宜也。夫清高之節。不以私自累。不以

利煩意。擇天下之至道。行天下之正路。今公紹康叔之緒。處戰伐之世。當

務收英雄。保其疆土。非所以明否臧。立規檢脩。匹夫之行之時也。

外國願師

新唐書藝文列傳蕭穎士授河南府參軍。倭國遣使入朝。目陳國人願求蕭夫子為師者。中書舍人張漸

等諫不

父子資師

唐繪肅宗即位。靈武李泌願以客從入議國事。出陪輿輦。帝因賜金紫。拜元帥。廣平王行

可而止。

軍司馬。帝嘗曰：卿侍上皇中，為朕師。今下判廣平行軍，朕父子資卿道義云。

兄弟同師

北史賈思伯字士休，與弟

思同師事北海陰鳳。業成，無資酬之。鳳質其衣，時人語曰：北海陰生不免癡，不識雙鳳脫人衣。及思伯之部，送練百匹遺鳳。因具車馬迎鳳，鳳慙不往。

為子求師

後魏書魏宗室欽為右僕射，託高僧壽為子求師。師至，未幾逃去。欽讓僧壽，僧壽曰：凡人絕粒七日

乃死，始經五朝，便爾逃去，去食就信，實有所關。欽大慙，待客稍厚。

為子延師

言行龜鑑呂原明正獻公之長子也。

正獻公通判潁州歐陽文忠公適知州事，焦先生千之伯強客文忠公所，嚴毅方正。正獻公招延之，使教諸子。諸生小有過差，先生端坐召與相對。

竟夕不與之語，諸生恐懼。

教子從師

世說太傅東海王越鎮許昌，以王安期為記室參軍。

畏服。先生方畧降詞色。敕子從師。昌以王安期為記室參軍，雅相知重。敕世子毗曰：夫學之所益者淺，體之所安者深。開習禮度，不如式瞻儀刑。諷味遺言，不如親承音旨。王參軍人倫之表，汝其師之。

白首從師

文中子繫師玄聞董常賢問賈瓊以齒瓊曰：始冠矣，年二十師玄曰：吁，其幼達也。瓊曰：夫子十五為人師。